



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

იფანი



იფანი, კოპიტი (*Fraxinus*), ფოთოლმცვივანი ხეების გვარი ზეთისხილისებრთა ოჯახისა. მისი 67 სახეობა გავრცელებულია ჩრდ. ნახევარსფეროს ზომიერ (იშვიათად ტროპ. და სუბტროპ.) სარტყელში.

იფანი

საქართველოში მთის შუა სარტყლამდე ხარობს სამი სახეობა: ჩვეულებრივი ი. (*F. excelsior*) – 30–40 მ-მდე სიმაღლის სწორტანიანი ხე. გვხვდება საქართველოს თითქმის ყველა რეგიონში, კარგად ხარობს დაბლობისა და მთის შუა სარტყლის მეზოფილური ტყეების ნათელ უბნებში ფართოფოთლოვან ხეებთან ერთად; თუთუბოფოთლო (*F. coriariaefolia*) – იზრდება კახეთისა და თუშ-ფშავ-ხევსურეთის ტყეებში, გვხვდება გავლურებულიც; მახვილნაყოფა ი. (*F. oxycarpa*) – უმთავრესად დას. საქართველოს ტყეებშია გავრცელებული; რგავენ კიდევ (თბილისის მიდამოები). გარდა ამისა, საქართველოში ი-ის 20-ზე მეტი ეგზოტური სახეობა გვხვდება.

ი-ის მერქანი მაღალხარისხიანია; ქერქი შეიცავს მთრიმლავ ნივთიერებებს, ფოთოლი კი – ვიტამინებსა და ეთეროვან ზეთებს.

მ. იმედაძე
